

Sprachwelten

Tscherna da la professiun

von Sybille Pfiffner

Libertad d'opiniun, libertad da confessiun, libertad religiussa e libertad da tscherner la professiun... Quantas libertads ch'existan na sai jau betg dir. In fatg è che la schelta è gronda e che la tschertga da la dretga professiun è fitg greva.

Tge fatsch jau suenter il temp da scola obligatoric? In die-schavel onn da scola u forsa ina scola mercantila? Insatgi m'ha dà in cussegl. Cun il tema «onn social dal Grischun» sun jau ma fatschentada durant ils ultims mais da scola. In onn pli tard hai jau bandunà cun success l'onn social ad Aschera, e quai cun in certificat en satg. Durant l'onn voluntari hai jau rimnà bleras experientschas bunas. Il curs da basa d'economia da chasa è plitost stà in exercizi d'alibi. Tgi che emprenda a chasa ina tscherta independenza, posseda gia in bun fundament per il praticum da famiglia... E per dus fittaments da primavaira n'avess jau betg duvrà in curs d'introducziun davart la conservaziun da rischscotschnas. L'iert hai jau numnadamain strusch emprendì d'enconuscher. Ma quai è ussa tuttina! Perencunter hai jau pudì cumprovar en il praticum d'ospital ch'jau sun ina persuna gentila e gidaivla (quai stat almain en il rapport da l'ospital). Cun l'onn social avant tredesch onns hai jau survegnì in'invista en differents champs da la vita. Durant quest custavel onn social m'han persunas dal fatg mussà co che jau poss organisar bain mia vita professiunala e privata. Jau hai cuntinuà cun mia via sociala e lavur oz sco mussadra ventiraivla en in mastergn fitg varià. La tscherna da la professiun è reussida ed jau sun persvadida d'avair tschernì la dretga professiun cun bleras libertads.